

玉機微義卷之五十

吳陵劉純宗厚輯

後學

伍鶴齡蒼松
葉樹德茂滋
校

小兒門

論色脉法

脉經曰小兒四五歲脉呼吸八至細數者吉 小兒

脉呼吸八至者平九至者傷十至者困 診小兒脉

法多雀鬪要以三部脉爲主若緊爲風癰沉者乳不
消弦急者客忤氣 小兒是其日數應變蒸之時身

熱而脉亂汗出不欲食食輒吐哕者脉亂無苦也
小兒脉沉而數者骨間有熱欲以腹按冷清也 小
兒大便赤青瓣飧洩脉小手足寒難已脉小手足溫
易已 小兒病困汗出如珠着身不流者死 小兒
病其頭毛皆上逆者必死耳間青脉起者癰痛 小
兒病而顙陷其口唇乾目皮反口中氣出冷手足四
垂其臥如縛掌中冷皆死不治

脉訣啓蒙曰凡診小兒脉當以大指按三部一息六
七至爲平和八九至爲發熱五至爲內寒弦脉爲風

癰沉緩爲傷食促急爲虛驚弦急爲氣不和沉細爲
冷浮爲風大小不調爲鬼祟浮大數爲風熱伏結爲
物聚單細爲疳勞凡腹痛多喘嘔而脉洪爲有蟲浮
而遲潮熱者胃寒也

按此本錢氏
脉法也頗詳

虎口脉歌曰紫風紅傷寒青驚白色疳黑時因中惡
黃卽困脾端

按全嬰等書云小兒三歲已前虎口第二指上寅
卯關有脉紋見者可驗病狀男左女右視之脉紋
從寅關起不至卯關者病易治若連於卯關者有
病難治如寅連卯卯侵過辰關者十難救一若脉

紋小或短者病易治也宜參視之

錢氏曰面上證左腮爲肝右腮爲肺額上爲心鼻爲脾額爲腎赤者熱也隨證治之 目內證赤者心熱導赤散主之淡紅者心虛熱生犀散主之青者肝熱瀉青丸主之淺淡者補之黃者脾熱瀉黃散主之目無精光者腎虛地黃丸主之 潔古云青是腹痛桂枝芍藥湯主之 肝病面白 肺病面赤 脾病面青 腎病面黃 心病面黑若肝病驚搐而又加面白痰涎喘急之類此皆難治餘皆倣此推之叔和云

春得秋脉定知死亦此意也

按錢氏云者本病也潔古則兼勝已制化言之故後五臟形證不容不辨也

論五臟形證虛實所主

錢氏曰肝主風實則目直大叫呵欠項急頓悶 虛

則咬牙多欠氣熱則外生氣溫則內生 肝熱手尋

衣領及亂捻物瀉青丸主之壯熱飲水喘悶瀉白散

主之 肝有風目連劄不搐得心熱則搐治肝瀉青

丸治心導赤散 風甚身反張強直不搐心不受熱

也當補腎治肝 肝有熱目直視不搐得心熱則搐

治與有風同 凡病或新或久皆引肝風風動而上
頭目目屬肝風入於目上下左右如風吹不輕不重
兒不能任故目連劄也若熱入目牽其筋脉兩眦俱
緊不能轉視故目直也若得心熱則搐以其子母俱
有實熱風火相搏故也潔古曰肝主謀勇熱則尋衣
捻物目連劄直視不能轉視或極則身反強直折皆
風熱也目者肝之竅屬木木性急故如是

錢氏曰心主驚實則叫哭發熱飲水而搐 虛則困
臥悸動不安 心病多叫哭手足動搖驚悸 心氣

熱則心胷亦熱欲言不能而有就涼之意故合面臥
心熱視其睡口中氣溫或合面睡及上竄搖頭咬
牙皆心熱也導赤散主之 心實則氣上下澁合臥
則氣不得通故喜仰臥則氣得上下通也瀉心湯主
之

錢氏曰脾主困病則困睡洩瀉不思食 實則困睡

身熱飲水 虛則吐瀉生風 肺主喘實則悶亂喘

促可飲水者有不飲水者 虛則哽氣長出氣 肺

熱手搯眉目鼻面 肺盛復有風冷胷滿短氣氣急

喘嗽上氣當先散肺後散風冷肺只傷寒則不胃滿
肺虛熱唇深紅色治之散虛熱 肺臟怯唇白色
當補若悶亂氣竈喘促哽氣者難治肺虛損故也

脾肺病久則虛而唇白脾者肺之母也母子皆虛不
能相營故名曰怯肺主唇白白而澤者吉如枯骨者
死潔古曰肺主氣燥熱則壯熱飲水喘悶鼻乾燥手
捫眉面瀉白散 胃滿短氣氣急喘嗽上氣皆是肺
氣有餘復感風邪之所傷謂之微邪先瀉而復發散
之

錢氏曰腎主虛無實也惟瘡疹腎實則黑陷 腎虛

兒本虛怯由胎氣不成則神不足目中白睛多其顱

卽解

解謂自開也

面色晄白此皆難養縱長不過八八之

數若恣色慾多不及四旬而亡或有因病而致腎虛者非也又腎氣不足則下竄蓋骨重惟欲墜下而縮身也腎水陰也腎虛則畏明宜地黃丸補之

潔古曰下竄者腎氣不足兩足熱不喜衣覆足然此者臍以下皆腎之所主緣心氣下行於腎部也此乃腎不足而心有餘宜地黃丸

論五臟相勝虛實之邪

錢氏曰五臟相勝輕重肝臟病見秋木旺肝強勝肺也宜補肺瀉肝輕者肝病退重者唇白而死

肺病見春金旺肺勝肝當瀉肺輕者肺病退重者目淡青必發驚更有赤者當搐爲肝怯當目淡青色也心病見冬火旺心強勝腎當補腎治心輕者病退重者下竄不語腎怯虛也

腎病見夏水勝火腎勝心也當治腎輕者病退重者悸動當搐也

脾病見四旁皆倣此治之順者易治逆者難治脾怯當面目赤黃五臟相反隨證治之

又曰如肺病又見肝證咬牙多呵欠者易治肝虛不能勝肺故也若目直大叫哭項急頓悶者難治蓋肺病久則虛冷肝強實而反勝肺也視病之新久虛實虛則補母實則瀉子

潔古曰肝勝肺則肝病身熱發搐又見肺虛喘而氣短病見於申酉戌時是肝真強也內經曰受所制而不能制謂之真強法當補脾肺而後瀉肝瀉肝導赤

散補脾肺益黃散

肺勝肝則肺病喘嗽氣盛見於寅卯辰時木之位又以見肝怯少力正爲鬼賊所尅法當補肝瀉肺若肺病嗽又虛羸無實不得瀉肺只宜用地黃丸補之不可服瀉白散何謂也經云虛則補之實則瀉之

按此謂五臟相勝病機不離五行生尅制化之理者蓋小兒初在襁褓未有七情六慾只是形體脆弱血氣未定腑臟精神未完所以有臟氣虛實勝乘之病但世俗不審此理往往遇是率指爲外感內傷而用藥致枉死者多矣悲夫矧錢論脫畧幸而潔古補之今特參附誠所謂無窮之惠也

潔古曰五臟子母虛實鬼賊微正若不達旨意不易

得而入焉

在前者爲實邪

子能令母實拒鬼賊不敢傷其母其子又引母所
尅者妻相助故曰實邪也

在後者爲虛邪

母引子之鬼賊至由此母能使子虛也內經曰子
能令母實母能令子虛此之謂也

妻來乘夫爲微邪

夫來乘妻爲賊邪

法當瀉鬼補本臟

本臟自病爲正邪

法當虛則補之實則瀉之內經曰滋苗者必固其根伐下者必枯其上逆其根則伐其本伐其本則敗其真矣

按此以五行生尅之道論也義見難經五十難及後五臟治要論宜參攷之

心主熱自病或大熱瀉心湯主之

實則煩熱黃連瀉心湯主之

虛則驚悸生犀散主之

肺乘心微邪

喘而壯熱瀉白散

肝乘心虛邪

風熱煎大羌活湯下大青丸

脾乘心實邪

洩瀉身熱瀉黃散

腎乘心賊邪

恐怖惡寒安神丸

按乘者猶乘車之乘也大抵五臟之病相乘伏匿
隱顯莫測已上但言本病乘勝之道後以五臟治

要附於左宜參攷焉
凡心臟得病必先調其肝腎兩臟腎者心之鬼肝
氣通則心氣和肝氣滯則心氣乏此心病先求於
肝清其源也五臟受病必傳其所勝水能勝火則
腎之受邪必傳於心故先治其腎逐其邪也故退
腎氣益肝氣爲治心之大法或診其脉肝腎兩臟
俱和而心自生疾然後
察其心家虛實治之

肺主燥自病則喘嗽燥則潤之

實則喘而氣盛瀉白散

虛則喘而少氣先益黃散而後阿膠散

心乘肺賊邪

熱而喘嗽先地黃丸中導赤散後阿膠散

肝乘肺微邪

惡風眩冒昏憤嗽羗活膏

腎乘肺實邪

憎寒嗽清利百部丸

脾乘肺虛邪

體重吐痰泄瀉嗽人參白朮散

凡肺之得疾必先觀心之虛實若心火炎盛鑠金
卽當先抑心氣後喫肺藥若心氣和卽更看脾脉
若脾氣虛冷卽不能相生而脾家生氣不足則風
邪易感故患肺寒者皆脾虛得之若脾氣盛實則
亦痞膈中焦而大腸與脾表裏不能相通夫中焦
熱膈則肺大腸不通其毒熱之氣必上蒸於肺而